

certa scientia, ac de Apostolica potestate plenitudine, & cum quibusvis irritativis, cassativis, revocativis, modificativis, preservativis, exceptivis, declarativis, mentis attestativis, ac derogatoriis derogatoriis, aliisque efficacioribus, & insolitis clandestinis, irritantibusque, & aliis decretis, in genere, vel in specie, ac alias quomodolibet etiam pluries concessis, confirmatis, & innovatis. Quibus omnibus, & singulis, etiam si in eis caveatur expresse, quod illis nullatenus, aut non nisi sub certis modo, & forma in illis expressis, derogari possit, pro illorum sufficienti derogatione de illis, eorumque totis tenoribus specialis, specifica, & expressa mentio habenda, seu aliqua alia exquisita forma ad hoc servanda foret, tenores huiusmodi presentibus pro sufficienter expressis habentes, alias in suo robore permansuris, hac vice dumtaxat specialiter, & expresse derogamus, contrariis quibuscumque. Aut si aliquibus communiter vel divisim ab eadem sit Sede indultum, quod interdici, suspendi, vel excommunicari non possit per literas Apostolicas non facientes plenam, & expressam, ac de verbo ad verbum de indulto huiusmodi mentionem.

Communicacionem harum gratiarum a illis denegat.

Transumptis ecedi mandata.

D.P. An. XIII 25. Mali.

Ex Regest. in Secret. Brevo.

Procurium.

§.29. Presentis autem Constitutionis, & gratie communicationem omnibus aliis, qui sua privilegia cum ipsa Societate copiose participant, participareque poterunt quomodolibet in futurum, fieri omnino prohibemus.

§.30. Ceterum volumus, ut presentium transumptis etiam impressis manu Secretarii dictae Societatis, vel Notarii publici subscriptis, & sigillo Praepositi Generalis eiusdem Societatis, vel alterius personae in dignitate Ecclesiastica constitutae munitis, eadem omnino fides adhibeatur in iudicio, & extra illud, quae literis ipsis originalibus haberetur, si essent exhibitae, vel ostensa.

Nulli ergo &c.
Datum Romae apud S. Petrum Anno Incarnationis Dominicae, millesimo quingentesimo octuagesimo quarto, octavo Kal. Junii, Pontificatus nostri Anno XIII.

CLXIV.

Erectio Collegii Societatis Jesu in Civitate Ipren.

GREGORIUS EPISCOPUS

SERVUS SERVORUM DEI

Ad perpetuam rei memoriam.

Immensa Dei providentia, a qua omnium bonorum operatio procedit ea in fuorum fidelium animis frequenter ingerit, quae ad Christianae Religionis instaurationem & propagationem, publicamque utilitatem, & salutem sunt maxime profutura. Unde Nos quibus cura, ac salus Dominici gregis divinitus est commissa, ipsorum fidelium, praesertim Catholicorum Regum vota in id tendentia ex intimo cordis affectu libenter promovemus, & desuper officii nostri partes favorabiliter interponimus,

prout rerum, locorumque circumstantiis debite pensatis conspiciamus in Domino salubriter expedire.

§.1. Cum itaque, sicut accepimus, Monasterium Monialium de Merchen, Ordinis S. Benedicti Ipren. Diocesis, cui quondam Margarita Van Suelle, ipsius Monasterii Abbatisa, dum viveret, praesidebat, per obitum eiusdem Margaritae Abbatisae extra Romanam Curiam defunctae vacaverit, & vacet ad praesens, & sicut charissimus in Christo filius noster Philippus Hispaniarum Rex Catholicus Nobis nuper exposuit si in inferiori Germania, in qua propter intestinos, & diuturnos tumultus bellicos, aliaque turbulenta tempora Christiana Religio non parum labefactata reperitur, Presbyteri Societatis Jesu, qui juxta eorum laudabile institutum Juventutem bonis moribus imbuant, simulque liberales disciplinas doceant, ac verbum Dei praedicent, aliaque opera exerceant, introducerentur, ex hoc profecto religio ipsa restaurari, ac restaurata conservari posset; & propterea ipse Philippus Rex unum Collegium eiusdem Societatis in Civitate Ipren. perpetuo erigi, illique sic erigendo pro eius stabilimento, ac Rectoris, & Collegialium in eo introducendorum sustentatione, & manutentione, dictaeque religionis instauratione Monasterium praedictum, quod a dicta Civitate vix tribus leucis distat, quodque ita dirutum, & collapsum est, ut sine ingenti sumptu restitui nequeat, imo ob id nulla sit spes illud unquam restauratum iri, & in quo tantum duae Moniales supersunt, una cum Prioratu Sanctorum Martini, ac Amati loci de Mecherten, Ordinis, & Diocesis praedictorum, cum primum per cessum, vel decessum illum obtinentis vacare contigerit, uniri summopere desiderat.

§.2. Quare idem Philippus Rex asserens Monasterii 200. Prioratus vero praedictorum, & illis forsan annexorum fructus, redditus, ac proventus 250. ducatos auri de Camera, secundum aestimationem valore annuum non excedere, Nobis humiliter supplicari fecit, quatenus ejus pio desiderio annuere, aliasque in praemissis opportune providere de benignitate Apostolica dignaremur.

§.3. Nos igitur, qui dudum inter alia volumus, quod petentes Beneficia Ecclesiastica aliis uniri, tenerentur exprimere verum annuum valorem secundum aestimationem praedictam, etiam Beneficii, cui aliud uniri peteretur, alioquin unio non valeret & semper in unionibus commissio fieret ad partes, vocatis quorum interest, ipsum Philippum Regem a quibusvis Excommunicationis, suspensionis, & interdicti aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum presentium dumtaxat consequendum, harum serie absolventes, & absolutum fore censentes, huiusmodi supplicationibus inclinati, in praedicta Civitate, & aedibus ibidem ad hoc designandis unum

Facti serios.

Erectio Collegii.

Collegium dictae Societatis cum Ecclesia, seu Cappella, ac Officiis necessariis, & opportunis ad instar ceterorum eiusdem Societatis Collegiorum, & juxta eorum statuta, & consuetudines, aliasque ipsius Societatis Constitutiones per Presbyteros eiusdem Societatis in omnibus, & per omnia regendum, & gubernandum, Apostolica Auctoritate tenore presentium, sine aliquo praedictio perpetuo erigimus, & institutum, illique sic erecto, & instituto, ac pro tempore existentibus illius Rectori, Collegialibus, & personis quod omnibus, & singulis privilegiis, exemptionibus, immunitatibus, prerogativis, concessionibus, indultis, indulgentiis, ceterisque spiritualibus, & temporalibus gratis, quibus cetera eiusdem Societatis Collegia, eorum Rectores, Collegiales, & aliae personae, de jure, usu, aut consuetudine, vel alias quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, pariformiter, & absque ulla prorsus differentia, etiam per inde ac si illis specialiter concessa fuissent, uti, frui, potiri, & gaudere libere, & licite valeant, auctoritate, & tenore praemissis, de speciali gratia indulgemus.

Designatio Dotis.

§.4. Insuper eidem Collegio erecto pro Rectoris, & Collegialium, ac aliarum personarum in eo pro tempore degentium sustentatione, & subventionem Prioratum, qui Conventu, & animarum cura caret cum primum per cessum, etiam ex causa permutationis, vel decessum, seu quamvis aliam dimissionem, vel amissionem, aut privationem illum ad praesens titulum, vel commendam obtinentis, seu alias quovis modo etiam apud Sedem Apostolicam etiam, in aliquo ex mensibus Nobis, seu Romano Pontifici pro tempore existentis, ac dictae Sedi reservatis, aut Ordinariis Collatoribus, etiam per Constitutiones Apostolicas pro tempore editas, seu literas alternatarum vel alia privilegia, & indulta concessis habentibus, aut in posterum concedendis vacare contigerit, etiam si ille actu nunc, necnon Monasterium praedictum, sive ut praemittitur, sive alias quovis modo, quem etiam si ex illo quavis generalis reservatio, etiam in corpore juris clausa, non tamen per obitum apud dictam Sedem refultet, presentibus haberi volumus pro expressis, aut Monasterium ex alterius, Prioratus vero praedicti ex cujuscumque persona, seu Monasterium per liberam cessionem dictae Margaritae Abbatisae, vel cujusvis alterius de illius Regimine, & Administratione, & Prioratum huiusmodi per resignationem cujusvis de illo in Romana Curia, vel extra eam, etiam coram Notario publico, & testibus sponte factam, aut Prioratus per ascensionem alterius Beneficii Ecclesiastici, quavis auctoritate collati vacant, etiam si tanto tempore vacaverint, quod Monasterii provisio, & Prioratus praedictorum collatio juxta Lateranensem statuta Concilii, aut provisio praedicta, alias Canonice Sanctiones

ad Sedem eandem legitime devoluta, & illa ex quavis causa ad dictam Sedem, specialiter, vel generaliter pertineat, ipseque prioratus dispositioni Apostolicae reservatus existat, ac super eo, & eiusdem regimine, & administratione inter aliquos Iis, seu illorum possessorio, vel quasi Molestia, cujus litis statum, etiam presentibus haberi volumus pro expresso pendeat indecisa dummodo tempore datae presentium eidem Monasterio de Abbatisa canonice provisum non sit, cum annexis huiusmodi, ac omnibus dicti Prioratus iuribus, ac pertinentiis auctoritate, & tenore praedictis, etiam perpetuo unimus, annectimus, & incorporamus, ita quod liceat pro tempore existentibus Praeposito Provinciali dictae Societatis inferioris Germaniae huiusmodi, ac Rectoribus, & Collegialibus dicti Collegii erecti huiusmodi nomine, propria auctoritate corporalem, realem, & actualem possessionem Monasterii, & sine praedictio illum obtinentis Prioratus, ac annexorum, iuriumque, & pertinentiarum praedictorum libere apprehendere, & perpetuo retinere, ac etiam Monasterio, & Prioratu praedictis illorumque Ecclesiis per se ipsos vel alios ex eis, seu quoscumque alios Presbyteros ad eorum liberum nutum, & arbitrium ponendos, & amovendos in divinis deservire, aut deserviri facere, necnon fructus, redditus, & proventus, jura, & obventiones, & emolumenta universa, illorum, & annexorum eorumdem percipere, exigere, levare, locare, arrendare, ac in suos, & Collegii erecti huiusmodi usus, & utilitatem convertere, Diocesani loci, vel cujusvis alterius licentia desuper minime requisita; proviso tamen quod dictis duabus Monialibus de necessariis ad earum sustentationem, earumdem vita durante, congruae pro Monastica vita frugalitate, & continentia provideatur.

Clausula.

§.5. Decernentes quascumque collationes, provisiones, electiones, acceptationes, vel alias dispositiones de Monasterio, & Prioratu huiusmodi, etiam per Sedem praedictam, vel illius Legatos, etiam de latere, seu Nuncios, vel quoscumque alios quavis auctoritate faciendas, nullas, & invalidas fore, ac esse, ac pro non factis, & non concessis haberi, & nemini ullatenus suffragari debere, necnon eisdem presentibus literis per quascumque generales, vel speciales, etiam derogatoriis derogatorias, aliasque efficaciores, & insolitas Clausulas ac irritantia, & alia decreta sub quibuscumque verborum formis, & expressiionibus concepta in se continentes, nullatenus derogari posse, nec derogatum censeri, nisi earumdem presentium tenore de verbo ad verbum, nihil penitus omissis insertus, & urgens, ac sufficiens causa expressa, & per trinas distinctas literas dictarum presentium tenorem continentes tribus distinctis vicibus eidem Philippo Regi legitime intimatas, & insinuat, ac derogationes ipsa Motu proprio, & ex certa scientia factae fuerint, appareatque Roma;

nos

num Pontificem illis expresse derogare voluisse, & alias pro tempore factas derogationes, nemini suffragari, easdemque presentes literas de subreptionis, vel obreptionis vitio, aut intentionis nostrae, vel alio quopiam defectu impugnari, vel invalidari nullatenus posse, nec sub quibusvis revocationibus, suspensionibus, limitationibus, modificationibus, aut aliis contrariis dispositionibus, etiam unionibus, annexionibus, aut suppressionibus, & extinctionibus effectum non fortitis, quae post hac per Nos, vel Successores nostros Romanos Pontifices, tam in crastinum assumptionis cujuslibet eorum, ad summi Apostolatus apicem, quam alias quomodolibet, etiam cum quibusvis derogatoriis derogatoriis, aliisque efficacioribus, & insolitis clausulis, irritantibusque, & aliis decretis pro tempore factis tamquam effectum non fortitis, etiam si de eisdem presentibus, & eorum toto tenore, ac data specialis, specifica, & expressa mentio fiat minime comprehendendi, sed illis, & quibusvis aliis contrariis non obstantibus in suis robore, & efficacia persistere, ac quoties illae emanabunt, toties in pristinum statum restitutas, repositas, & plenarie reintegratas, ac de novo dicta Apostolica auctoritate concessas esse, necnon erectionem, institutionem, unionem, annexionem, ac incorporationem hujusmodi, donec illa plenarium sortita fuerit effectum, durare, ac irritum, & inane, quidquid fecus super his, a quocumque quavis auctoritate, scienter vel ignoranter contigerit attentari.

Mandatur executioni.

§.6. Quo circa Venerabilibus Fratribus nostris Tornacen., & Bruxen. Episcopis, ac Dilecto Filio Casarum Curiae Camerae Apostolicae Generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios eandem presentes literas, & in eis contenta quaecumque ubi, & quando opus fuerit, ac quoties pro parte Philippi, ac Praepositi, & Rectoris, seu Collegialium praedictorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra presentes literas, & in eis contenta quaecumque hujusmodi ab omnibus ad quos spectat, & spectabit quomodolibet in futurum, inviolabiliter observari, ipsosque Philippum Regem, ac Praepositum, & Rectorem, ac Collegiales, erectione, institutione, indulto, unionem, annexione, & incorporatione, aliisque praemissis omnibus & singulis juxta earumdem praesentium literarum continentiam, & tenorem pacifice frui, & gaudere. Non permittentes eos, seu eorum aliquem, desuper per quoscumque quomodolibet indebite molestari. Contradictores quoslibet, & rebelles, per sententias, censuras, & poenas Ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus illas sententias, censuras, & poenas ipsas incurrisse declarando, illas etiam itera-

tis vicibus aggravando, invocato etiam ad hoc, si opus fuerit, auxilio brachii secularis.

Derogatio contrarium

§.7. Non obstantibus priori voluntate nostra praedicta, ac Lateranen. Concilii novissime celebrati, uniones perpetuas, nisi in casibus a jure permittis fieri prohibentis, ac sel. rec. Bonifacii Papae VIII. Praedecessoris nostri, etiam illa, qua cavetur, ne quis extra suam Civitatem, vel Dioecesim, nisi in certis exceptis casibus, & in illis ultra unam dietam a fine suae Dioecesis ad iudicium evocetur, seu ne iudices a Sede praedicta deputati extra Civitatem, vel Dioecesim, in quibus deputati fuerint, contra quoscumque procedere, aut alii, vel aliis vias suas committere quoquo modo presument, & de duabus dietis in Concilio Generali edita, dummodo ultra tres dietas aliquis auctoritate praesentium ad iudicium non trahatur, aliisque quibusvis Constitutionibus, & Ordinationibus Apostolicis, necnon Monasterii, & Prioratus, ac Ordinis praedictorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis illis, eorumque superioribus, & personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, Ducum, aut aliorum Principum instantiam, vel contemplationem, seu etiam Motu, & scientia similibus, etiam iteratis vicibus, etiam super provisione, seu praefactione de dictis Monasterio, & Prioratu, seu praesentatione, vel nominatione personarum ad illa, dum pro tempore vacant, aut alias concessis approbatis, & innovatis.

§.8. Quibus omnibus, etiam si pro sufficienti illorum derogatione, de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales, idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum inferrentur praesentibus, pro sufficienter expressis habentes illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliqui super provisionibus, seu commendis sibi faciendis de Prioratibus hujusmodi speciales, vel aliis Beneficiis Ecclesiasticis in illis partibus generales dictae Sedis, vel legatorum ejus literas impetrarint, etiam si per eos ad inhibitionem, reservationem, & decretum, vel alias quomodolibet sit processum, quas quidem literas, & processus habitos per easdem, & sequuta quaecumque ad dictum Prioratum volumus non extendi, sed nullum per hoc eis quoad affectationem Prioratum, vel Beneficiorum aliorum praedictorum generari, & quibuslibet aliis Privilegiis, indulgentiis generalibus, vel specialibus quorumcum-

que

que tenorum existant per quae praesentibus non expressa, vel totaliter non inserta, effectus earum impediri valeat quomodolibet, vel differri, & de quibus, quorumque totis tenoribus habenda sit in nostris literis mentio specialis.

Exceptio praeservationis.

§.9. Volumus autem quod propter unionem, annexionem, & incorporationem hujusmodi Monasterium in spiritualibus non ledatur, & in temporalibus detrimentum non sustineat, ac Prioratus hujusmodi debitis non fraudetur obsequiis, sed eorum cujuslibet congruae suportentur onera consueta.

§.10. Nulli ergo &c.

Datum Romae apud Sanctum Petrum, Anno Incarnationis Dominicae, millesimo quingentesimo octuagesimo quarto, 8. Kal. Junii, Pontificatus nostri Anno XIII.

Dat. die 25. Maii 1584. An.XIII.

CLXV.

Ex Regest. in Secret. Breu.

Erectio Collegii Societatis Jesu in Oppido Monten. Cameracen. Dioecesis.

GREGORIUS EPISCOPUS
SERVUS SERVORUM DEI

Ad perpetuam rei memoriam.

Exordium.

Immensa Dei providentia, a qua omnium bonorum operatio procedit, ea in sanctorum fidelium animis frequenter ingerit, quae ad Christianae Religionis instaurationem, ac propagationem, publicamque utilitatem, & salutem sunt maxime profutura. Unde Nos, quibus cura, ac solus Dominici gregis est commissa, ipsorum fidelium, praesertim Catholicorum Regum vota in id tendentia ex intimo cordis affectu, libenter promovemus, & desuper officii nostri partes favorabiliter interponimus, pro ut rerum, locorumque circumstantiis debite pensatis conspiciamus in Domino salubriter expedire.

Facti series.

§.1. Cum itaque sicuti accepimus Prioratus Sancti Antonii de Barbasoffe Ordinis Sancti Benedicti prope, & extra muros Oppidi Montensis Cameracen. Dioecesis, quem Julianus Gergot Clericus ex concessione Apostolica in commendam ad ejus vitam, dum viveret, obtinebat, comenda hujusmodi per obitum dicti Juliani, qui extra Romanam Curiam de mense Januarii anni Domini 1583. diem clausit extremum, cessante adhuc eo, quo ante commendam ipsam vacabat modo, vacare noscatur ad praesens; & sicut charissimus in Christo filius Noster Philippus Hispaniarum Rex Catholicus Nobis nuper exposuit, ipse considerans Christianam Religionem in inferiori Germania his turbulentiis, & calamitosis temporibus non parum labefactam esse, perspicientisque Presbyteros, ac alias personas Societatis Jesu, si inibi introducantur, ex uberibus fructibus, quos in dies tam in Juventute bonis moribus imbuenda, & simul cum pietate in liberalibus disciplinis exercenda, quam alias in vinca Domini passim producere so-

lent, ad ipsam Religionem restaurandam, & restauratam conservandam maxime profuturos esse; propterea in dicto Oppido, quod insigne est, unum Collegium dictae Societatis perpetuo erigi, illique sic erigendo pro ejus stabilimento, ac introducendorum Rectoris, ac Collegialium sustentatione Prioratum praedictum perpetuo uniri plurimum desiderat, Quare dictus Philippus Rex affertens ejusdem Prioratus, ac illi forsitan annexorum fructus, redditus, & proventus trecentos ducatos auri de Camera secundum communem estimationem valorem annum non excedere, Nobis humiliter supplicari fecerit, quatenus ejus pio desiderio annuere, aliasque in praemissis opportune providere de benignitate Apostolica dignaretur.

Exc. Gio Collegii Monten.

§.2. Nos igitur, qui dudum inter alia volumus, quod petentes beneficia Ecclesiastica aliis uniri, tenerentur exprimere verum annum valorem, secundum estimationem praedictam, ac Beneficii, cui aliud uniri peteretur, alioquin unio non valeret, ac semper in unionibus commissio fieret ad partes, vocatis quorum interest, Religiosum, ac fervens dicti Philippi Regis in hoc opere aggrediendo studium propense voluntatis affectu prosequi volentes, ipsumque Philippum Regem a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine, quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes, necnon verum, & ultimum dicti Prioratus vacationis modum, etiam si ex illo quaevis generalis reservatio, etiam in corpore juris clausa, non tamen per obitum apud Sedem Apostolicam resultat, praesentibus pro expressis habentes, hujusmodi supplicationibus inclinati in dicto Oppido, & adibus ibi ad hoc designandis, unum Collegium dictae Societatis cum Ecclesia, seu Capella, & officinis necessariis, ac opportunis ad instar ceterorum ejusdem Societatis Collegiorum, uti praedicti, ac aliorum circumvicinorum Oppidorum, & locorum juventus in bonis literis, moribusque, & pietate simul instituantur, ac verbum Dei praedicetur aliaque pia opera exercentur, ac alias juxta statuta, ac consuetudines ipsius Societatis per Presbyteros ejusdem Societatis in omnibus, & per omnia regendum, & gubernandum Apostolica auctoritate tenore praesentium sine alicujus praedicti perpetuo erigimus, & institimus, illique sic erecto, & instituto, ac pro tempore existentibus illius Rectoris, & Collegialibus, ceterisque personis, quod omnibus, & singulis privilegiis, exemptionibus, immunitatibus, prerogativis, concessionibus, indultis, indulgentiis, ceterisque spiritualibus, & temporalibus gratiis, quibus cetera Societatis hujusmodi Collegia, eorumque Rectores, Collegiales, & aliae personae de jure, usu, & consuetudine, vel alias quomodolibet utuntur, fruantur.

Unio Prioratus, de quo supra pro sustentatione.

fruantur, potiuntur, & gaudent, ac uti frui, potiri, & gaudere possunt, & poterunt quomodolibet in futurum, ac absque ulla prorsus differentia, etiam perinde, ac si specialiter illis concessa forent, gaudere libere, & licite possint, auctoritate, & renore prædictis de speciali dono gratiæ indulgemus.

§.3. Insuper eidem Collegio pro Rectoris, & Collegialium, aliarumque personarum in eo pro tempore degentium sustentatione Prioratum prædictum, qui Conventu, & animarum Cura caret, quovis modo, & ex cuiuscumque persona, seu per liberam cuiusvis cessionem de illo in dicta Curia, vel extra eam, etiam coram Notario publico, & testibus sponte factam, aut assequutionem alterius Beneficii Ecclesiastici ordinaria auctoritate collati vacet, etiam si tanto tempore vacaverit, quod eius collatio iuxta Lateranen. statuta Concilii ad Sedem eandem legitime devoluta, ipseque Prioratus dispositioni Apostolica specialiter, vel generaliter reservatus existat, & super eo inter aliquos lis, cuius statum præsentibus haberi volumus pro expresso, pendeat indecisa, dummodo tempore datæ præsentium non sit in eo alicui specialiter jus quæsitum, cum annexis huiusmodi, ac omnibus iuribus, & pertinentiis suis, auctoritate tenore præfatis, etiam perpetuo unimus, annectimus, & incorporamus: Ita quod liceat pro tempore existentibus Præposito Provinciali inferioris Germaniæ districte Societatis, necnon Rectori, & Collegialibus Collegii huiusmodi per se, vel alium, seu alios eorum, & Collegii erecti huiusmodi nomine propria auctoritate corporale, reale, & actuale possessionem Prioratus, & annexorum, iuriumque, & pertinentiarum prædictarum libere apprehendere, & perpetuo retinere, ac etiam eidem Prioratui, illiusque Ecclesiæ per se ipsos, seu quempiam eorum, etiam in ipsius Collegii erecti Ecclesiæ, seu Capella, aut per quemcumque alium Presbyterum, ad eorum liberum nutum, & arbitrium ponendum, & amovendum in Divinis deservire, aut deserviri facere, necnon fructus, redditus, & proventus, jura, obventiones, & emolumenta universa illius, & annexorum eorumdem percipere, exigere, levare, locare, arrendare, ac in suos usus, & utilitatem convertere, Diocesani loci, vel cuiusvis alterius licentia desuper minime requisita.

Clausula.

§.4. Decernentes easdem præsentibus literas de subreptionis, vel obreptionis vitio, seu intentionis nostræ, vel quopiam alio defectu notari, impugnari, seu invalidari nullatenus posse, necnon irritum, & inane quicquid secus super his a quoquam quavis auctoritate scienter, vel ignoranter contigerit attentari.

Mandatur executio.

§.5. Quocirca Venerabilibus Fratribus nostris Archiepiscopo Cameracen., & Episcopo Atrabaten., nostro, ac dilecto filio Curie causarum Camere Apostolicæ generali Auditori per Apostolica scripta mandamus, quatenus ipsi, vel duo, aut unus co-

rum per se, vel alium, seu alios easdem præsentibus literas, & in eis contenta quæcumque ubi & quando opus fuerit, ac quoties pro parte dicti Philippi Regis, & pro tempore existentium Rectoris, & Collegialium, ac aliarum personarum Collegii erecti huiusmodi, seu alicujus eorum fuerint requisiti, solemniter publicantes, eisque in præmissis efficacis defensionis præsidio assistentes faciant auctoritate nostra literas prædictas, & in eis contenta huiusmodi ab omnibus, ad quos spectat, & spectabit quomodolibet in futurum, inviolabiliter observari, ipsosque Philippum Regem, & pro tempore existentes Rectorem, & Collegiales erectione, institutione, indulto, unione, annexione, & incorporatione, aliisque præmissis omnibus, & singulis juxta earumdem præsentium literarum continentiam, & tenorem pacifice frui, & gaudere. Non permittentes eos, seu eorum aliquem desuper per quoscumque quomodolibet indebite molestari. Contradictores quoslibet, & rebelles per sententias, censuras, & penas ecclesiasticas, aliaque opportuna juris, & facti remedia, appellatione postposita, compescendo, ac legitimis super his habendis servatis processibus illos sententias, censuras, & penas ipsas incurrisse declarando, illas etiam iteratis vicibus aggravando, invocato etiam ad hoc, si opus fuerit auxilio brachii secularis.

Derogatio contrariorum

§.6. Non obstantibus priori voluntate nostra prædicta, & Lateranen. Concilii novissime celebrati uniones perpetuas, nisi in casibus a jure permittis fieri prohibentis, ac fel. rec. Bonifatii Papæ VIII. Prædecessoris nostri, qua cavetur, ne quis extra suam Civitatem, vel Diocesim, nisi in certis exceptis casibus, & in illis ultra unam dietam a fine suæ Diocesis ad iudicium evocetur, seu ne iudices a Sede prædicta deputati extra Civitatem, vel Diocesim, in quibus deputati fuerint contra quoscumque procedere, aut alii, vel alii vices suas committere quoquomodo præsumant, ac de duabus dietis in Concilio generali edita dummodo ultra tres dietas, aliquis auctoritate præsentium ad iudicium non trahatur, aliisque quibusvis Constitutionibus, & Ordinationibus Apostolicis, necnon Prioratus, & Ordinis prædictorum juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis eidem Ordini, & quibusvis personis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus, & aliis decretis in genere, vel in specie, etiam ad Imperatoris, Regum, Reginarum, Ducum, aut aliorum Principum instantiam, vel contemplationem, seu etiam motu proprio, & ex certa scientia, & consistorialiter, ac alias quomodolibet, etiam iteratis vicibus, etiam super provisione de dicto Prioratu, seu præsentatione, vel nominatione personæ ad illum, dum

dum pro tempore vacat, aut alias concessis, approbatis, & innovatis.

§.7. Quibus omnibus etiam si pro illo eum sufficienti derogatione, de illis eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum nihil penitus omisso, præsentibus pro sufficienter expressis, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si aliqui super provisionibus, seu commendis, sibi faciendis de Prioratibus huiusmodi speciales, vel aliis beneficiis ecclesiasticis in illis partibus generales dictæ Sedis, vel Legatorum ejus literas impetrarint, etiam si per eas ad inhibitionem, reservationem, & decretum, vel alias quomodolibet sit processum, quas quidem literas, & processus habitos per easdem, ac inde secuta quæcumque ad dictum Prioratum volumus non extendi, sed nullum per hoc eis quoad affectationem Prioratum vel beneficiorum aliorum præjudicium generari, & quibuslibet aliis privilegiis, & indulgentiis, ac literis Apostolicis generalibus, vel specialibus quorumcumque tenoribus existant, per quæ præsentibus non expressa, vel totaliter non inserta effectus earum impediiri valeat quomodolibet, vel differri, & de quibus, quorumque totis tenoribus de verbo ad verbum habenda sit in nostris literis mentio specialis. Provisio quod propter unionem, annexionem, & incorporationem prædictas dictus Prioratus debitis non fraudetur obsequiis, sed ejus congruæ supportentur onera consuetæ.

§.8. Nulli ergo omnino hominum liceat hanc paginam &c.

Datum Romæ apud Sanctum Petrum Anno Incarnationis Dominicæ, millesimo quingentesimo octuagesimo quarto, octavo Kalendas Junii, Pontificatus nostri Anno Decimotertio.

CLXVI.

De electione Præpositi generalis, & aliorum Prælatorum Congregationis Monachorum Eremitarum S. Hieronymi de Observantia, celebrationeque Capituli generalis, & retentione regularis observantia.

GREGORIUS PAPA XIII.

Dilectis filiis Præposito generali, & Consultoribus Congregationis Monachorum Eremitarum S. Hieronymi de Observantia, salutem, & Apostolicam benedictionem.

Exordium.

EA quæ ad prosperos Religionis vestrae successus ordinata fuerunt, nonnunquam pro eorum veritate, & temporum ratione expedit immutare.

Hic Pontifex multa constituit, quæ ha-

§.11. Alias siquidem, rebus vestrae Congregationis emendatione indigentibus, ple-

raque ad preces vestras decrevimus, & præsertim de tempore celebrationis Capituli vestri generalis, deque modo electionis Præpositi generalis, Consultorum, Visitationum, Definitorum, necnon Priorum, Vicariorum, & aliorum ad munia dictæ Congregationis defumendorum, eorumque qualitatibus, muneribus, & officiis, aliisque regimen, & salubrem directionem ejusdem Congregationis concernentibus, ut diversis aliis nostris literis plenius continetur, sed ut probavit eventus, eorum nonnullis, sive mutandis, sive corrigendis, nova est opera adiungenda.

§.1. Quare illis omnibus, quæ, & quatenus præsentibus obsunt, subductis, & rescissis, ceteris vero in suo robore permanentibus, auctoritate præsentium statuimus, & ordinamus, ut posthac in perpetuum, Capitulum vestrum generale tertio quoque anno celebretur; interim vero singulis annis Præpositus generalis, & Consultores, qui tempore erunt, pro novorum, si eis expedire videbitur, Vicariorum, & Economorum dictæ Congregationis electione congregentur.

§.3. Et si contingat eundem Præpositum intra hoc triennium decedere, vel officio amoveri, Consultores Congregationis huiusmodi suos Priores illico ad se avocent, qui intra vigesimum diem ad locum celebrationis futuræ electionis novi Præpositi generalis præsto adsint.

§.4. Interim vero Consultor professione antiquissimus vices, auctoritatemque Præpositi generalis in omnibus gerat.

§.5. Ipsi autem Priores, cum Procuratoribus singulorum Monasteriorum, & aliorum regularium locorum dictæ Congregationis, juxta antiquas illius constitutiones, ad Capitulum generale accedent, & electioni Præpositi generalis, ac Definitorum huiusmodi intersint.

§.6. Præpositus vero, & Definitor huiusmodi de Priorum eorumdem corpore eligantur.

§.7. Ceterum constitutionibus prædictis inhærendo, si contingat aliquem dictorum Priorum, intra triennium, quo Capitulum ipsum generale celebrandum erit, decedere, vel a Prioratu suo regulariter amoveri, co casu Præpositus generalis, & Consultores prædicti statim aliquem ex Vicariis Monasteriorum, aut aliorum regularium locorum Congregationis huiusmodi, in locum defuncti, vel amoti substituant, ne hoc negocium ad subsequens Capitulum generale deferant.

§.8. Adhæc, præpositus ipse generalis sic electus, quem obtinebat Prioratum, non amittat, sed etiam Præpositus triennalis huiusmodi illum cum hoc retineat. Triennioque ipso peracto, ipse Prior sui Prioratus, ut antea remaneat, & nihilominus ipse dicto durante triennio sui Præpositatus etiam Prior Monasterii Sancti Alexii de Urbe ejusdem Congregationis non autem alterius sit.

§.9. Perfuncto vero Præpositura trienn-

1584. bene in C. str. XXVII. T. IV. P. III. fol. 270. quæ emendatione redigere dignoscit.

Capitulum ideo generale quolibet triennio celebrari jubet.

Præposito generali interim decedente, vel amoto alter eligatur, ut hic.

Priores cum Procuratoribus electioni Præpositi, & Definitorum intersint.

Illi autem ex Prioribus eligantur.

Prioratu aliquo vacante, Præpositus, & Consultores alium ex Vicariis substituant.

Præpositus durante triennio, & postea Prioratū quæ habebat, retinet, & est etiam Prior S. Alexii de Urbe.

1584. Post triennium vacare debet per sex annos a d. officio.

Ambitus prohibetur.

Pecunia Congregationis alicui Monasterio non applicetur.

Capituli generale ubi celebrandum.

Regularis observantia, in quibus locis retinenda.

Hujus Constitutionis observantia precipitur.

Ejusque publicatio Præposito committitur.

nalij hujusmodi officio, nullus ad sequens triennium, aut aliud tempus Præpositus generalis confirmetur, nec quisquam ante sex completos a fine hujus officij rursum in Præpositum generalem eligatur.

§.10. Nulli præterea Monachorum Congregationis hujusmodi, cujuscumque dignitatis, vel conditionis, liceat literas etiam commendatitias, seu favorem, auxilium, vel gratiam, aut quicquam aliud a Principibus secularibus, Dominis, vel Nunciis, per se, aut interpositas personas ex quavis causa, aut quovis prætextu querere, vel impetrare, quod in detrimentum, præjudicium, vel derogationem dictæ Congregationis, aut illius personarum, seu constitutionum, ordinationum, vel statutorum directe, vel indirecte cedat, qui secus fecerit, per annum in carcere constitutus poenitentiam agat, sitque præterea ad dignitates, & officia dictæ Congregationis perpetuo inhabilis.

§.11. Præpositus insuper generalis, & Consultores pro tempore existentes prædicti, per se, vel alium, seu alios nullam pecuniarum summam ad Congregationem ipsam spectantem, alicui Monasterio, vel regulari loco, pro ejus fabrica, sive nostra, aut Protectoris vestri licentia erogent, qui contrafecerint, excommunicationis sententiam eo ipso incurrant, sintque suis dignitatibus, & officiis eo ipso privati, ac pariter inhabiles ad futura.

§.12. Postremo, Capitulum ipsum generale, seu Congregatio alibi quam Roma, aut Bononiæ, seu Mediolani, vel in Monasterio Hospitali nullo modo celebretur.

§.13. Regula vero observantia saltem in Hospitali prædicti, necnon Castellatij, & S. Hieronymi Mantuanen., ac Sancti Sigismundi Cremonen., & S. Savini Placentin., ac S. Barbati Bononien. Monasteriis, numerusque saltem centum sexaginta Monachorum inter Sacerdotes, & Clericos, ultra Conversos, & Servientes, perpetuo conservetur. Decernentes irritum, & inane, si secus super his a quoquam, quavis auctoritate, scienter, vel ignoranter contigerit attentari.

§.14. Quocirca vobis & pro tempore existentibus Præposito generali, ac Consultoribus, necnon universis, & singulis Prioribus, Monachis, & personis dictæ Congregationis, per Apostolica scripta mandamus, ut præsentis literas humiliter suscipiatis, & quæcumque in eis continentur, alia desuper a Nobis non expectata jussione, aut mentis nostræ declaratione inviolate custodiatis.

§.15. Tibi vero Præposite, ut ipsas præsentis in omnibus dictæ Congregationis Monasteriis, & locis solemniter publicare, & ut illis omnino ab omnibus pareatur, efficere procures. Contradictores quoslibet, & rebelles, eisque auxilium, vel favorem, publice, vel occulte, directe, vel indirecte, quovis quaesito colore præstantes, tam Ecclesiasticos, quam seculares, cujuscumque dignitatis, status, gradus, ordinis,

vel conditionis fuerint, per censuras, & poenas Ecclesiasticas, aliaque juris, & facti remedia opportuna, appellatione postposita, compescendo, censurasque, & poenas ipsas etiam sæpius aggravando, invocato etiam ad hoc, si opus fuerit, auxilio brachij secularis.

§.16. Non obstantibus præmissis, ac fel. rec. Bonifacii VIII. Prædecessoris hujusmodi de una, & in Concilio generali edita de duabus dietis, & aliis Apostolicis Constitutionibus: necnon Congregationis, ac Ordinis prædictorum juramento, confirmatione Apostolica, vel quavis firmitate alia roboratis statutis, & consuetudinibus privilegiis quoque, indultis, & literis Apostolicis, illis, eorumque Superioribus, & personis, sub quibuscumque tenoribus, & formis, ac cum quibusvis, etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam consistorialiter, ac alias quomodolibet concessis, & etiam pluries confirmatis, & innovatis. Quibus omnibus etiam si pro illorum sufficienti derogatione, de illis, eorumque tenoribus, specialis, specifica, expressa, & individua, non autem per clausulas generales idem importantes mentio, aut quavis alia expressio habenda, aut aliqua alia exquisita forma ad hoc servanda foret, illorum tenores, ac si ad verbum infererentur præsentibus, pro sufficienter expressis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque. Aut si Congregationi, Prioribus, & Monachis prædictis, vel quibusvis aliis communiter, vel divisim ab Apostolica sit Sede indultum, quod interdicti, suspendi, vel excommunicari non possint per literas Apostolicas, non facientes plenam, & expressam, ac de verbo ad verbum de indulto hujusmodi mentionem.

Datum Romæ apud Sanctum Petrum, sub annulo Piscatoris, die 25. Maii, millesimo quingentesimo octuagesimo quarto, Pontificatus nostri Anno Decimotertio.

CXLVII.

Institutio Collegij, ad scholares Nationis Maronitarum, pie & catholice, bonis artibus, Christianisque moribus, & doctrina instruendos in Urbe, & deputatio Cardinalis pro ejus regimine, Annuorumque reddituum assignatio pro eorumdem sustentatione.

GREGORIUS EPISCOPUS SERVUS SERVORUM DEI

Ad perpetuam rei memoriam.

Humana sic ferunt quandoque consilia, ut quæ, vel provida deliberatione ab initio constituantur, opera pretium sit, spe melioris fut ure frugis postea immutare.

Contrariis derogat.

D.P. An. XIII 25. Maii.

Exordium.

§.1. Nu

Hic Pontifex instituit in Urbe Hospitali pro Natione Maronitarum, ad eorum Fidem Catholicam retinendam, & augendam.

Deinde annuos redditus, domosque assignavit.

Hic modo Pontifex d. Hospitali supplicavit, ad magis spirituale d. Nationis utilitatē.

§.1. Nuper enim ut Nationi Maronitarum, qui in Libani montibus degentes, a multis sæculis sub S. R. E. obedientia, & devotione fidem Catholicam inter tot circumstantes Infidelium, & Schismaticorum sectas retinent, ac certis annorum spatiis ad Apostolorum limina visitanda, Sedemque Apostolicam amplectendam, & recognoscendam, aliquos destinare soliti sunt, de peculiari loco ad usum Hospitalitatis erga ejusdem Nationis Indigenas ad Urbem confluentes exercenda, nostra ope provisum esset, ipsiusque Nationis erga Sedem ipsam devotio continuum susciperet incrementum, nec tanto labore conservata fidei femina arcesceret, per quamdam unionem, annexionem, & incorporationem olim de Parochiali Ecclesia S. Joannis de Ficocia Regionis Trivii de Urbe, Parochiali Ecclesiæ Sancti Andreae ejusdem Regionis Apostolica auctoritate factas perpetuo dissolvimus, & apud ipsam Ecclesiam S. Joannis, nomine, denominatione, & essentia parochialis Ecclesiæ in ea etiam perpetuo suppressis, & extinctis, ac cura animarum illius parochianorum una cum eisdem parochianis, iuribusque parochialibus ad dictam Ecclesiam S. Andreae translata, unum Hospitali in quo pauperes peregrinis dictæ Nationis recipi, & confoveri deberent, similiter perpetuo ereximus, & instituimus, illique sic erecto, & instituto eandem Ecclesiam S. Joannis sine cura effectam cum suis domibus, ædificiis, hortis, membris, & pertinentiis illis contiguis, eorumque situ, & ambitu pariter perpetuo concessimus.

§.2. Per alias vero nostras literas eidem Hospitali, ut onera ei incumbentia commodius perferri possent, pensionem annuam certis modo, & forma tunc expressis liberam, immunem, & exemptam, ac ad quindecim annos tunc proximis dumtaxat durationem ducentorum ducatorum monetæ illarum partium, super mensæ Episcopalis S. Agathæ fructibus, redditibus, & proventibus, ac Rectori, vel Administratori pro tempore existenti dicti Hospitalis, seu illius Procuratori legitimo, durantibus diebus quindecim annis tantum, per Venerabilem fratrem nostrum Felicianum Episcopum Sanctæ Agathæ, & successores suos Ecclesiæ S. Agathæ Præsules, seu Administratores pro tempore existentes, etsi ipsis mille ducati, annuatim ex fructibus, redditibus, & proventibus prædictis non remanerent, annis singulis in certis loco, & terminis, ac sub sententiis, censuris, & poenis, etiam tunc expressis, integre persolvendum reservavimus, & constituimus, & assignavimus, prout in singulis literis prædictis plenius continetur.

§.3. Nunc vero erectionis Hospitalis hujusmodi negotio maturius perpensis, etsi illud insigne pietatis opus, dictæque Nationi gratum, & commodum sit, meliora tamen æmulando charismata majorem Dei laudem, utilio remque eidem Nationi operam fore censemus, si loco dicti Hospitalis, quod in suis primordiis adhuc recens est,

unum Collegium pro recipiendis, & instituendis illius Nationis pueris ad bonas literas capeffendas aptis, erigeretur, & institueretur. Cum enim in partibus illis, sub gravi Turcarum jugo, & tyrannide constitutis, vix facultas detur bonarum literarum studia excolendi, & exinde multos a fide Catholica averfos æternis tenebris detineri, simplicesque, & rudes a susceptæ veritatis cultu abduci facile contingat, futurum omnino speramus, ut successu temporis ipsius Collegij Alumni, pietatis, & vere Religionis odore, a Montis Sion cypressis, & S. E. R., quæ sola caput est aliarum, documentis largius imbuti, illum in cedros Libani, Nationemque suam refundant, ac collabentem, & perturbatam in suis Regionibus Fidem Dei beneficio sustineant, atque resarciant; & ita prædictum corporale opus, quod paucis in hac Urbe tantum profuturum erat, in magis spiritualem ad totius Nationis utilitatem, & salutem convertatur.

§.4. Quo circa motu simili, & ex certa scientia, deque Apostolicæ potestatis plenitudine, in dicto Hospitali nomen, denominationem, & essentiam Hospitalis, ac quodcumque onus Hospitalitatis ibidem exercenda, salvis tamen, & illævis remanentibus dissolutione, concessione, pensione, & aliis supradictis, Apostolica auctoritate, tenore præsentium, perpetuo suppressimus, & extinguimus, illudque in Collegium Maronitarum nuncupandum, ad alendam, bonisque moribus ornandam, ac vera pietate, sanæque doctrina, & reliquis Christiano homine dignis virtutibus instruendam ipsius Nationis juventutem, auctoritate, & tenore prædictis, etiam perpetuo erigimus, & instituimus. Ipsamque Collegium sic erectum, & institutum in locum dicti Hospitalis, quoad Ecclesiam S. Joannis, ac illius domos, ædificia, hortos membra, & pertinentia, eorumque situm, & ambitum, necnon pensionem ducentorum ducatorum hujusmodi, ejusdemque pensionis terminos decurtos, & non solutos, si qui sint, in omnibus, & per omnia perinde, ac si pro ipso Collegio non autem Hospitali specialiter, & expresse, ab initio emanassent, illique concessa, & reservata fuissent, subrogamus.

§.5. Et nihilominus eidem Collegio Ecclesiam Sancti Joannis, cum domibus, ædificiis, hortis, & pertinentiis, eorumque situ, & ambitu hujusmodi, ita quod liceat Protectori, seu Rectori dicti Collegij pro tempore existenti illorum omnium corporalem possessionem per se, vel alium, seu alios nomine ejusdem Collegij propria auctoritate libere apprehendere, & perpetuo retinere, fructusque, redditus, & proventus, jura, obventiones, & emolumenta quæcumque inde provenientia, in Collegij, & Ecclesiæ Sancti Joannis hujusmodi usus, & utilitatem, ac necessitates convertere. Necnon eidem Ecclesiæ S. Joannis per unum, vel plures, etiam dictæ Nationis Sacerdotes seculares, vel regulares,

Collegium Maronitarum erexit, ad d. Nationis juventutem bonis moribus, sanæque doctrinae instruendum.

Eique dictas domos & redditus assignavit, & Missam & alia divina officia arabico, vel chaldaico idioma celebrandi licentiam concedit.

ad nutum pro tempore existentis Protectoris Collegii huiusmodi ponendos, & amovendos deserviri, Missasque, & alia Divina Officia etiam Arabico, vel Caldaico idiomate celebrari facere, cuiusvis licentia desuper minime requisita, eisdem Apostolica auctoritate, & tenore, similiter perpetuo concedimus. Pensionemque annuam ducentorum ducatorum huiusmodi, super predicta mensa fructibus, redditibus, & proventus eidem Collegio, seu illius pro tempore existenti Protectori, vel Rectori, aut ejus Procuratori, vel Oeconomus ad id, ab ipso Protectore, seu Rectore speciale mandatum habenti, durantibus dictis quindecim annis dumtaxat per Felicianum Episcopum, & Successores predictos, annis singulis, in loco, & terminis, ac sub sententiis, censuris, & poenis, necnon cum omnibus, & singulis exemptionibus, immunitatibus, libertatibus, decretis, & clausulis, ac alias modo, & forma, quibus dicto Hospitali reservata erat, & solvi debebat, integre persolvendam, Apostolica auctoritate & tenore similibus reservamus, constituimus, & assignamus.

Exemptionem a jurisdictione quorundamque Ordinariorum & Judicum.

§.6. Insuper Collegium predictum, illiusque Rectorem, Oeconomus, Magistros, Protectores, atque Scholares pro tempore in eo existentes, eorumque Domesticos, Officiales, & Ministros, necnon ipsius Collegii bona mobilia, & immobilia, presentia, & futura cuiuscumque qualitatis, & quantitatis existentia, ac tam in dicta Urbe, quam extra eam, & alias ubicumque locorum consentanea, ab omni jurisdictione, dominio, superioritate, & potestate pro tempore existentium Vicarii, Senatoris, Conservatorum, & Reformatorum dictae Urbis, necnon Rectoris Studii Generalis ejusdem Urbis, ac Ordinariorum locorum, aliorumque Judicum, & Officialium quorumcumque in ipsa Urbe, vel alias ubilibet constitutorum.

Gabellarumque, & quarumcumque pedagiorum solutione exargitur.

§.7. Necnon idem Collegium in propriis ejus bonis, & rebus ac dicti Collegii ratione, Scholares personaeque in eo degentes, ac alios cum ipso contrahentes, ab omnibus, & singulis Portarum, Molendinorum, Farinae, trium pro centenario, ac quatuor Juliorum pro quolibet vegete vini solvi solitorum, aliisque dantiis, pedagiis, vestigialibus, angariis, ac terrae, marisque gabellis, Dohanis, Bulletinis, & quibuscumque aliis oneribus ordinariis, & extraordinariis, haecenus quomodolibet impositis, & in posterum quandocumque quavis occasione vel causa, etiam de necessitate exprimenda imponendis, etiam ad instar exemptionis dilectorum filiorum Clericorum Camerae Apostolicae, etiam ratione Ripae, Ripetae, Dohane Terrae, etiam Grasciae nuncupatae Urbis praedictae, necnon carni, vini, granorum, pannorum, lini, lane, ferici, librorum, cartarum, & quarumcumque aliarum rerum ad humanum victum, & vestitum necessariorum, ex toto nostro Statu Ecclesiastico, & quibuscumque aliis locis

extra dictum statum consententibus ad dictum Collegium, tam per terram quam per mare, & aquam dulcem, & alias quomodolibet conducendorum, & etiam jam ad Urbem ipsam conductorum, & in ea existentium, ac pro eodem Collegio in magna, seu parva quantitate tam in Barchis, quam in Magazinis, & alias ubilibet emendorum, Apostolica auctoritate, & tenore praedictis eximimus, & liberamus, ac sub Beati Petri, & dictae Sedis, atque nostra protectione suscipimus, Nobisque, & eidem Sedi immediate subicimus.

Indulta, & privilegia Studii generalis Almae Urbis, & filiarum Collegiorum in Urbe institutorum, eidem Collegio concedit.

§.8. Ipsi quoque Collegio, Rectori, Scholaribus, Praeceptoribus, Magistris, Oeconomis, Officialibus, Ministris, personis, ut quibuscumque privilegiis, exemptionibus, libertatibus, facultatibus, gratiis, & indultis, quibus studium generale dictae Urbis, necnon alia Germanica, Anglicae, & Graecae Nationum Collegia, in ipsa Urbe a Nobis instituta, illorumque Rectores, Scholares, Praeceptores, Magistri, Oeconomi, Officiales, Ministri, & persona, quovis modo utuntur, potiuntur, & gaudent, ac uti, potiri, & gaudere possunt, & poterunt quomodolibet in futurum, non solum ad eorum instar, sed aequae principaliter, & pariformiter in omnibus, & per omnia uti, potiri, & gaudere valeant, eisdem Apostolica auctoritate, & tenore pariter perpetuo concedimus, & indulgemus, illaque eis communicamus.

Officialibus Curiae Romanae, & aliis prohibet ne in praemissis Collegii perturbent.

§.9. Districtius inhiibentes Vicario, Senatori, Conservatoribus, & Reformatoribus Urbis, ac Rectori Studii, aliisque Judicibus, & Officialibus huiusmodi, necnon pro tempore existenti S. R. E. Cameraario, Praesidentibus, ac praedictis Clericis, ac quibuscumque Commissariis ad exactiorem decimarum, & aliorum onerum predictorum pro tempore deputatis, ne quarumvis literarum eis sub quibuscumque tenoribus, & formis concessarum praetextu, Collegium Maronitarum, illiusque Rectorem, Scholares, Praeceptores, Magistros, Oeconomus, Officiales, & Ministros praedictos, seu eorum aliquem in praemissis quovis modo molestant, aut molestari permittant.

Cardinalem ejus Protectorem, & gubernatorem deputat.

§.10. Ut autem ipsius Collegii Maronitici conservationi, bonoque regimini tam in his, quae ad instructionem, & disciplinam, quamque ad victum, vestitum, aliaque huiusmodi necessaria pertinent, opportune consulatur, dilectum filium nostrum Antonium tit. S. Eusebii Presbyterum Cardinalem Carrasam nuncupatum, ejusdem Collegii Maronitici Protectorem, & defensorem, cujus consilio, & ope, omnia supra praedicta, & alia quaecumque ad eosdem in ipsius Collegium Maronitarum admittendos, retinendosque Scholares spectantia, ac alias quomodolibet necessaria agantur, statuantur, & ordinentur, constituimus, & deputamus. Necnon Antonio Cardinali, & pro tempore existenti Protectori praedicto pro ejusdem Collegii Maronitici, illiusque per-

personarum, bonorum, rerum, & jurium, tam spiritualium quam temporalium salubri directione, & conservatione, Rectores, Praeceptores, Magistros, Oeconomus, Advocatos, Procuratores, ceterosque Ministros, & Officiales in eo deputandi, & amovendi, & loco amovendorum alios sufficiens, necnon statuta, ordinationes, & decreta quaecumque, licita tamen, & honesta, ac Sacris Canonibus, & decretis Concilii Tridentini non contraria, faciendi, & edendi, ac illa quoties pro eorum, & temporum qualitate, seu alias expediens videbitur, immutandi, corrigendi, moderandi, reformandi, interpretandi, & etiam alia ex integro condendi, quae postquam edita, immutata, correctata, moderata, reformata, & condita fuerint, eo ipso dicta Apostolica auctoritate confirmata, & approbata sint, & esse censeantur, ac ab omnibus, ad quos pro tempore spectabit, etiam sub poenis in contravenientes statuendis observari debeant, plenam, liberamque facultatem tribuimus.

Clausulas praeservativas huius Bullae apponit.

§.11. Decernentes praemissa omnia, & singula, ac praesentes literas, nullo unquam tempore, sive pro eo quod causa, propter quas haec omnia facta sunt, coram dicto Vicario, vel quocumque alio examinata, verificata, & approbata, ac quicumque interesse habentes ad id vocati non fuerint, nec eisdem praemissis consenserint, sive alias ex quibuscumque causis, de subreptionis, aut nullitatis vitio, seu intentionis nostrae, vel quocumque alio defectu, notari, impugnari, tractari, impugnari, retractari, seu etiam revocari, suspendi, restringi, limitari, aut in jus, vel controversiam vocari, seu ad terminos juris reduci posse, nec quemquam ad easdem praesentes literas in Camera praedicta, juxta Constitutionem Pii Papae V. Praedecessoris nostri desuper editam, aut alias quandocumque praesentandum, insinuandum, & registrari faciendum teneri, neque propterea illas irritas esse, sed omnimodo valere, acsi Constitutio praedicta, & alia contraria minime emanassent.

Decretum irritans adijcit.

§.12. Sicque per quoscumque Judices Ordinarios, & Delegatos, etiam causarum Palatii Apostolici Auditores, ac ejusdem S. R. E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiiri debere: irritum quoque, & inane, si secus super his a quoquam, quavis auctoritate scienter, vel ignoranter contigerit attentari.

Clausulas derogatorias subijcit.

§.13. Non obstantibus praemissis, & Lateranen. Concilii ultimo celebrati uniones perpetuas nisi in casibus a jure permissis fieri & pensiones annuas super fructibus mensarum Episcopatum, nisi excessionis aut alia probabili causa reservari prohibentis, ac quatenus opus sit, nostris de unionibus committendis ad partes, vocatis interesse habentibus, exprimendoque valore etiam beneficii, cui aliud petitur uniri; necnon de praesando consensu in pensionibus, aliisque

Constitutionibus, & Ordinationibus Apostolicis, ac Urbis locorum, & Camera praedictorum etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, illis, ac Vicario, Senatori, Conservatoribus, Reformatoribus, Ordinariis, aliisque Judicibus, & Officialibus, necnon Cameraario, Praesidentibus, & Clericis praedictis, ac quibuscumque Dohaneris, Commissariis, & aliis personis, ad exactiorem pedagiorum, & aliorum onerum huiusmodi pro tempore deputatis, necnon dilectis filiis Populo Romano, ac quorumcumque locorum Communitatibus, Universitatibus, & Hominibus, sub quibuscumque tenoribus, & formis, & cum quibuscumque derogationum derogatoriis, aliisque efficacioribus, & insolitis clausulis, necnon irritantibus, & aliis decretis, in genere vel in specie, etiam Motu, scientia, & potestatis plenitudine similibus, ac alias quomodolibet etiam iteratis vicibus concessis, approbatis, & innovatis. Quibus omnibus, etiam si de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda esset, tenores huiusmodi, ac si de verbo ad verbum nihil penitus omisso, & forma in illis tradita observata inserti forent, illis alias in suo robore permanens, hac vice dumtaxat, specialiter, & expresse derogamus. Necnon omnibus illis, quae in singulis literis praedictis volumus non obitare, ceterisque contrariis quibuscumque.

D.P. An.XIII 27. Junii.

Nulli ergo &c. Si quis autem &c. Datum Romae apud S. Petrum, Anno Incarnationis Dominicae millesimo quingentesimo octuagesimo quarto, quinto Kal. Julii, Pontificatus nostri Anno XIII.

CLXVIII.

Erectio Collegii Societatis Jesu in Civitate Brugen.

Ex Reg. A. in Secret. Brevis.

GREGORIUS EPISCOPUS SERVUS SERVORUM DEI

Ad perpetuam rei memoriam.

Immensa Dei providentia, a qua omnium bonorum operatio procedit, eorum in suorum fidelium animis frequenter ingerit, quae ad Christianae Religionis inflationem, & propagationem, publicamque utilitatem, & salutem sunt maxime profutura: unde Nos, quibus cura, & salus Dominici regis, divinitus est demandata, ipsorum fidelium, praesertim Catholicorum Regum vota in id tendentia ex intimo cordis affectu libenter promovemus, & desuper officii nostri partes favorabiliter interponimus, prout rerum, locorumque circumstantiis debite pensatis, conspicimus in Domino salubriter expedire.

Exordium.

§.1. Sane